

## **Resulallahovo preseljenje**

Sada kad nam ti odlaziš, s ovog svijeta Diko naša,  
dok te Džibril obilazi i skup plače oko Arša.  
Pošalji nam zadnje r'ječi, Putovođo, Devletlijo,  
koje će nam dušu liječit', kojima si ummet grij'o.

*Salatullah, selamullah, 'alejke ya Resulallah.  
Salatullah, selamullah, 'alejke ya Habiballah.*

Džehennem se razgorio, moj ummete, moj ummete!  
A ponoćni crni vihor teške smutnje na vas mete.  
U džennetu spominjaše skupinu kraj Kewser-vrela,  
iz naručja majke naše miris'o je znoj sa čela.

*Salatullah, selamullah, 'alejke ya Resulallah.  
Salatullah, selamullah, 'alejke ya Habiballah.*

Još jedanput nasmij'o se pa stužio licem b'jelim.  
Tužan zbog nas, sretan što se Gospodaru svome seli.  
Vazda lijep, l'jep je i sad, kao cvijet kad se budi,  
dok se zora najtužnija tek pomalja, kroz plač rudi.

*Salatullah, selamullah, 'alejke ya Resulallah.  
Salatullah, selamullah, 'alejke ya Habiballah.*

*Ya Resulallah...*